

ri tagasi saia'?

Ma olõ sündünü 9. jaanuaril 1989. aastagal. Mu elokotus om Põlvamaal Miktämäe vallah Selise küläh. Edimäit käve ma Koksina algkoolih, sis lätsi Verska gümnaasiumihe ja s'ooost sügüsest alosti opmist Eesti Maaülikoolih maaehitusõ erialal. Huvis om sport. Minno hoit Setomaaga üteh s'oo, õt mu vanõba' ja vanavanõba' eläse' siih. Peräst kooli lõpõtämist taha uma eloga edesi minnä' kodokotusõh Setomaal. Ma olli hüä valik tasuta opmiskotusõlõ tuuperäst, õt ma olõ sihikindla ja taha märgotatu' eesmärgi' täude viiä. Kol' kandidaati tasuta opmiskotusõlõ selgitedi vällä vestlusõ k'augih. Õga aastaga lätt konkurents õnnõ tugõvabast. Timahava oll jo 10 kandidaati.



Saarõ Lauri,
Mikidamäe vald

Olõ elänü ja kasunu Setomaal. Ma olõ 19-aastanõ nuurmiis ja mul omma' uma iäle vastava' huvi' nigu sportlugu' tegevüse', pido' ja kimmähe ka tütrigu', a ku kedägi huvtama piasi, sis näio om mul olõmah — timä nimi om Kadi. Verska valla inemisõna olõ ma Verskah toimuvatõ üritustõga hõste kursih. Parhilla' ma külh Verskah olõ-õi kuna olõ hõivat opmisõga Tartoh. Opi Eesti Maaülikoolih maastikuarhitektuuri erialal. Sinnä' sai ma opma teno Setomaa Valdu Liidulõ. Perrä kaiõh konkurssilõ pia tunstamma, õt konkurss oll väiga asjalik. Uurimistüü tetti sääil perüs kimmäs. Küsüti huvidõ, plaanõ, tulõviku ja kõgõ muu kotsilõ. Inemisõ', kiä' küsitlust läbi vei' olli' väiga toreda'. Ma usu, õt nä tei' hüä valiku, õt mu sinnä' opma saadi', tuuperäst, õt laisk piat kah hinnäst harima, töistmuudu targast saa-ai'. Periselt olõ ma seto keele ja meelega tegelenü' jo väigokõsõt pääle ja s'oo oll õiglanõ, õt mullõ kotus anti. Ait' umma.



Laatsi Leivo,
Verska vald



linnas edukalt traditsioone hoidnud. Kas mõne aasta pärast jätkavad nad kodukandis? Pildil Seto Noorte Seltsi liikmed Maarja Hörn ja Salme Kahusk. 3 x foto Merlin Löiv

Määne om nuuri silmaring vai tiidmisõ' Setomaast?

Timmo Margus: Mu mee-lest oll s'oo kõrd veido tagasihoidlik. Umma valla tegemisi küll tiiti, a naabri tegemise tiidä-äs. Siih tulõva' mängo Setomaa kooli' — kuis kujundada suhtumist ja viiä' noorõ' kurssi Setomaal toimuvaga. Mu mee-lest omma' noorõ' väiga leidli- gu'. Tulõ kätte anda probleem ja lahendusi tulõ nigu maaskit.

Hõrna Aare: Imehtämmä pand tuu, õt üts jago tiid Setomaad hõste, tõõnõ olõ-õi nigu siih elänügi'. Ütel jaol oll perüs hüä seto kiil, tõisil jalki

olõ-õs sukugi seto kiilt.

Liivago Imre: Tiidmisõ' omma' erinevä'. Neo', kinkõl huvi om, mõistva' inäp kõnõlda'. Piasi tegemä teavitustüüd koolõh. Pall'o' as'a' paistusõ' lihtsa' tiidmisõ' olõvat, a õkvalt noid tiidä-ai. Setomaa koolõh kõnõldas vist rohkõp keerulisõmbit asju.

Peepli Urmas: Silmaring oll sainast saina. Noorõl kas om pilt vai olõ-õi. Inemise isikuomadusõ' andva' toolõ õnnõ võrtsi mano. Imehtämmä pand tuu, õt mitmõ' noorõ' tiidä-ai täambätseni Setomaa valdu ja tuud, midä sääil tetäs. ■



ESIMIIS: SNS-i eestvedaja Imre Liivago Emajõe ääres kevadel.

NULGÕST



Hõpõhõim sai üteaastasõs

Talina seto kuur Hõpõhõim tähistäs laupääväl Salmõ Kultuurikeskusõh uma edimäst sünnü-päiva. Kooriliikmõ' omma' võtnü' uma ülesandõs pääle umavahe- lidsõ leelotamisõ tudvustada seto kultuuri ka laembalt. Nii käve «Hõpõhõim» laulmah näütüses Eesti Talurahvamuusiumi leevapääväl. Kõnõlimi päältkaejilõ Setomaal vis- senjapääväst. Vanastõ keedeti tuul pääväl õks kardohkit. Süüdi kuiva kelto ja suulliimi. Tuu om pühä päiv, kerigupäiv — risti ülendmisõ päiv, paastupäiv ja tüüd tetä-äs. Vissenjah läävä' kõik pikä'-eljä' maa sisse, mõtsa mindä-äs. Tuvva- ai midägi mõtsast, muidõ tuut viil siu mõtsast kodo. Laulimi ka ja uma pääliinast ja umast kallist Setomaast, mia' om õks süämeh. Ahone Voldemari tettü laulu «Kui tuulõ' tulõva' Setomaalt...» pääle läävä' silmä' vett täüs.

Mi viil noorõkõsõ', opimi viil k' auma, kõnõlõmma ja laulma. Eläme Talinah, Peko käsu' püsü- se' tuuperäst õks mee- leh. (Suure Erika)

Tenoavaldus

Ait' umma astumast, tuhat teno tulõmast!
Hõpõ mi anna ti astumisõ,
kulla kokko tulõmisõ.
Olõ-õi joht kulda kostki võtta,
hõpõt olõ-õi hindälgj.
Selle mi kulla kumardami,
maani päidä painutami,
taad mi mee-lest minnä lasõ-õi,
uma iä unõhta-ai.
Ait' umma kõigilõ, kiä' 11. oktoob- ril Põltsamaal käve'.
(Kullakõsõ)

Hõimupäeva- praasnigal

Timahava oll soomõ-ugri hõimu- pääva' jo 79ndät kõrda. Pääliina Kuku klubi oll terve nädäli soomõ- ugrih rahvidõ jaost uma' ussõ' vallalõ tennü'. Seto õdagul and Siidisõsarõ väigokõsõ kontserdi ja pääle tuud pakti seto süüke ja õga klubikülälälinõ sai ka seto kombõ perrä tsilga hüvvä handsat (s'ool kottal taha teno üldä' Sarvõ õiõlõ, kia' uma kõva helüga ja hüvvi sõn- noga tuud handsajuumist toet) ja pääle tuud kuljadi ersadõ, maridõ ja muidõ rahvidõga, a jalki erälde teno annasi umakandi inõmisõlõ ja riigikogo liikmõlõ Rein Järvelil- lele, kia ka põlõs ar' miika üteh laulmist ja kuljatamist ja uma seto olõgiga peolõ hüäd minekit and. Seto õdagulõ oll viil tulnu' ka kirjā- nustiadlaisi ja kirjānikkõ, iih otsah Arvo Valtõniga, kia mee- le ka seto kultuuri ja kombidõ kohta pall' õ kүүsümisi küüsse. (Karbi Valli)